

**FRAMSELD ÁKVÖRÐUN FRAMKVÆMDASTJÓRNARINNAR
(ESB) 2015/1936****2016/EES/44/07****frá 8. júlí 2015****um viðeigandi kerfi til að meta og sannprófa stöðugleika nothæfis loftræstirása og röralagna fyrir loftræstingu samkvæmt reglugerð Evrópuþingsins og ráðsins (ESB) nr. 305/2011 (*)**

FRAMKVÆMDASTJORN EVROPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 305/2011 frá 9. mars 2011 um samræmd skilyrði fyrir markaðssetningu byggingarvara og niðurfellingu á tilskipun ráðsins 89/106/EBE⁽¹⁾, einkum h-lið 60. gr.,*og að teknu tilliti til eftirfarandi:*

- 1) Framkvæma ætti mat og sannprófun á stöðugleika nothæfis loftræstirása og röralagna, sem eru ætlaðar til notkunar fyrir loftræstingu, í samræmi við kerfin sem sett eru fram í V. viðauka við reglugerð (ESB) nr. 305/2011.
- 2) Því er nauðsynlegt að ákvarða hvaða kerfi til að meta og sannprófa stöðugleika nothæfis eigi að nota fyrir loftræstirásir og röralagnir sem ætlaðar eru til notkunar fyrir loftræstingu. Þetta ætti að gera framleiðendum kleift að fá skilvirkari aðgang að innri markaðnum og stuðla þar með að aukinni samkeppnishæfni byggingariðnaðarins í heild sinni.
- 3) Þessi ákvörðun ætti einungis að gilda um vörur sem falla ekki undir gildissvið annarra samsvarandi lagagerða Evrópusambandsins. Þar af leiðandi ætti hún ekki að gilda um rásir og röralagnir, sem eru notaðar fyrir föst slökkvikerfi, þar sem þær falla nú þegar undir ákvörðun framkvæmdastjórnarinnar 96/577/EB⁽²⁾ og ákvörðun framkvæmdastjórnarinnar 1999/472/EB⁽³⁾.

SAMÞYKKT ÁKVÖRÐUN ÞESSA:

1. gr.

Þessi ákvörðun gildir um loftræstirásir og röralagnir, sem ætlaðar eru til notkunar fyrir loftræstingu í byggingarmannvirkjum, eins og fram kemur í I. viðauka.

2. gr.

Meta skal og sannprófa stöðugleika nothæfis varanna, sem um getur í 1. gr., í tengslum við mikilvæga eiginleika þeirra, í samræmi við kerfin sem tilgreind eru í II. viðauki.

(*) Þessi ESB-gerð birtist í Stjtið. ESB L 282, 28.10.2015, bls. 34. Hennar var getið í ákvörðun sameiginlegu EES-nefndarinnar nr. 20/2016 frá 5. febrúar 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 88, 4.4.2011, bls. 5.

⁽²⁾ Ákvörðun framkvæmdastjórnarinnar 96/577/EB frá 24. júní 1996 um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar föst slökkvikerfi (Stjtið. EB L 254, 8.10.1996, p. 44).

⁽³⁾ Ákvörðun framkvæmdastjórnarinnar 1999/472/EB frá 1. júlí 1999 um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar pípur, tanka og fylgihlut sem ekki komast í snertingu við drykkjarvatn (Stjtið. EB L 184, 17.7.1999, p. 42).

3. gr.

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 8. júlí 2015.

Fyrir hönd framkvæmdastjórnarinnar,

Jean-Claude JUNCKER

forseti.

I. VIÐAUKI

VÖRUR SEM FALLA UNDIR ÁKVÖRÐUNINA

Ákvörðun þessi gildir um:

1. Loftræstírásir og röralagnir sem ætlaðar eru til notkunar fyrir loftræstingu í byggingarmannvirkjum.

II. VIÐAUKI

KERFI TIL AÐ META NOTHÆFI OG SANNPÓFA STÖÐUGLEIKA ÞESS

Kerfi til að meta nothæfi og sannprófa stöðugleika þess gilda sem hér segir um vörur, sem falla undir þessa ákvörðun, að teknu tilliti til mikilvægra eiginleika þeirra:

Tafla 1

Að því er varðar alla mikilvæga eiginleika, nema viðbrögð við bruna

Vörur	Mikilvægir eiginleikar	Viðeigandi kerfi til að meta og sannprófa stöðugleika nothæfis, eins og sett er fram í V. viðauka við reglugerð (ESB) nr. 305/2011
Loftræstírásir og röralagnir sem ætlaðar eru til notkunar fyrir loftræstingu í byggingarmannvirkjum	Að því er varðar alla mikilvæga eiginleika, nema viðbrögð við bruna	3

Tafla 2

Einungis að því er varðar viðbrögð við bruna

Að því er varðar allar vörur, sem tilgreindar eru í fyrsta dálki í töflu 1, ákvarðast kerfi til að meta nothæfi og sannprófa stöðugleika þess, með hliðsjón af undirflokkum varanna, sem hér segir:

Undirflokkar vara	Viðeigandi kerfi til að meta nothæfi og sannprófa stöðugleika þess, eins og sett er fram í V. viðauka við reglugerð (ESB) nr. 305/2011
Vörur sem fá hagstæðari flokkun, með tilliti til viðbragða við bruna að því er nothæfi varðar, sem rekja má til ákveðins, auðgreinanlegs stigs í framleiðsluferlinu (t.d. viðbót af eldtefjandi efnunum eða takmörkun á lífrænum efnunum).	1
Vörur þar sem evrópskur lagagrundvöllur er fyrir hendi sem unnt er að nota til að flokka nothæfi varanna með tilliti til viðbragða þeirra við bruna, án prófunar	4
Vörur sem falla ekki undir undirflokkana sem tilgreindir eru í röð 1 og 2	3